

Sastanak tri premijera i načelnika Distrikta Brčko o pružanju podrške državnoj Strategiji za reformu javne uprave, planiran za 22. juni 2006. godine, značajan je korak za budućnost BiH

Premijer Bosne i Hercegovine, premijer Federacije Bosne i Hercegovine, premijer Republike Srpske i načelnik Distrikta Brčko će na sutrašnjoj državnoj Konferenciji o reformi javne uprave razgovarati o Strategiji reforme javne uprave.

Zajednička podrška Strategiji reforme javne uprave i Akcionom planu reforme predstavlja odlučujući korak u procesu integracije Bosne i Hercegovine u evropske strukture i pomoći će u osiguranju efikasnijih, uspješnijih i odgovornijih organa uprave. Ostvarivanje napretka u reformi javne uprave takođe ima ključni značaj za Bosnu i Hercegovinu i okončanje njenih pregovora o potpisivanju Sporazuma o stabilizaciji i pridruživanju te predstavlja jasan signal da su organi ove zemlje spremni da osiguraju daljnje odvijanje reformi koje će imati direktan i pozitivan utjecaj na život građana.

Strategiju za reformu javne uprave je u proteklih nekoliko mjeseci razradio Ured koordinatora za reformu javne uprave, pri čemu su svoj značajan doprinos i podršku dali predstavnici koje su imenovali državni i entitetski organi vlasti, kao i organi vlasti Distrikta Brčko. Strategija za reformu javne uprave se u velikoj mjeri zasniva na preporukama koje su date u okviru revizije sistema javne uprave provedene tokom 2004. i

2005. godine i financirane sredstvima Evropske komisije.

Nakon usvajanja Strategije, međunarodna zajednica je spremna da organima vlasti pruži finansijsku pomoć kako bi osigurala njenu implementaciju. Smatramo da Strategija reforme javne uprave treba pružiti osnovni okvir za pružanje pomoći u ovom sektoru. Evropska komisija i Vlade Nizozemske, Švedske i Velike Britanije su udružile snage kako bi formirale Fond za reformu javne uprave iz kojeg će se finansirati aktivnosti predviđene Akcionim planom reforme javne uprave. Uz pružanje direktne tehničke pomoću Uredu koordinatora, Fond je u ove svrhe do sada uspio mobilizirati sredstva u iznosu od 4,5 miliona eura. Pozivamo sve donatore koji aktivno djeluju u ovom sektoru da provođenje svojih aktivnosti potpuno usklade sa Strategijom reforme javne uprave te da ih koordiniraju putem Ureda koordinatora za reformu javne uprave.

Čestitamo Uredu koordinatora na izradi ove sveobuhvatne Strategije, koja je definirana uz zajedničke napore nadležnih institucija na svim nivoima vlasti. Apeliramo na državne i entitetske organe vlasti, kao i na organe vlasti Distrikta Brčko, da usvoje Strategiju i što prije započnu implementaciju Akcionog plana.

Michael B. Humphreys, šef Delegacije Evropske komisije u BiH

Matthew Rycroft, ambasador Velike Britanije u BiH

Lars Erik Wingren, ambasador Švedske u BiH

Karel Vosskuehler, ambasador Nizozemske u BiH

Christan Schwarz-Schilling, visoki predstavnik